

95

11 badan rebut- Juara Pesta Silat malam ini

- 6 AUG 1977

PERSEKUTUAN Silat Singapura, (Persisi) akan mempersembahkan Pesta Silat Kebangsaan 77 malam ini di Panggung Negara.

Malam ini sebanyak 11 buah kumpulan akan cuba merebut Juara Pesta Silat dan antara jenis-jenis silat yang akan dipersembahkan ialah Silat Cekak, Sunda, Gabungan Seni Tari dan Sunda, Macan Pasra, Kuntau Melaka, Kuningan, Seligi Tunggal dan Seni Gayong.

Kesebelas kumpulan itu adalah dari kerabat-kerabat Persisi yang terdiri dari Perwanit, Pasak, Badan Kesenian Melayu, Himpunan Queenstown, Persatuan Bawean Singapura, Pertapis dan Perpensis.

Kebatinan

Mereka akan merebut Piala Haji Yaacob Mohammed bagi hadiah kumpulan dan tiga hadiah lain akan diberi kepada guru terbaik bagi permainan bunga atau jurus, bagi regu terbaik tanpa senjata dan regu terbaik permainan bersenjata.

Malam kedua akan memperlihatkan berbagai jenis silat dari Indonesia dan Malaysia dan juga Singapura.

Silat-silat kebatinan juga akan dapat dilihat dari regu-regu Singapura, Malaysia dan Indonesia.

Dalam satu sidang akhbar menyambut ketibaan pasukan-pasukan dari Malaysia dan Indonesia di Hotel Lion City semalam, Naib Presiden Persisi, Encik A. Rahim Dayan berkata:

Perwakilan

"Persisi merasa bangga atas kehadiran kedua negara jirannya atas kesediaan menerima undangan kami dan berharap pesta serupa ini akan berjalan dengan baik di masa depan.

Setiausaha Persisi, En-



Encik Abdullah Nawi

cik Johari Urif, pula telah melahirkan agar dapat difikirkan penubuhan satu federasi silat yang bertujuan memperkenalkan silat sebagai satu seni mempertahankan diri di peringkat antarabangsa kelak.

Perwakilan dari Malaysia adalah seramai tujuh orang dan dari Kementerian Kebudayaan, Belia dan Sukan di bawah pimpinan Encik Abdullah Nawi.

Indonesia yang diwakili oleh Ikatan Pencak Silat Indonesia (IPSI) di ketuai oleh Encik M.D. Djunaldi, Ketua II IPSI.

Bersamanya adalah 25 orang anggota IPSI termasuk 15 pesilat, dua orang jurulatih dan beberapa orang pegawai tinggi IPSI.

Sebahagian besar dari anggota kumpulan itu dijangka tiba awal pagi ini.